



Broj: 13-04-51929-32/24
Sarajevo, 24.12.2024. godine

SKUPŠTINA KANTONA SARAJEVO
Služba za skupštinske poslove
-ovdje-

KANTON SARAJEVO ✓
Stručna služba Vlade
-ovdje-

PREDMET: Zastupnička inicijativa - odgovor, dostavlja se

Poštovani,

Zastupnik Faruk Selmanović je na 17. radnoj sjednici Skupštine Kantona Sarajevo, održanoj dana 26.11.2024. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, uputio slijedeću zastupničku inicijativu:

"Inicijativa za osnivanje specijalizirane jedinice obučene za brzi odgovor na nasilje u porodici, u cilju poboljšanja odgovora na nasilje u porodici".

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnika Faruka Selmanovića, a koja je sa pažnjom razmotrena u okviru ovog ministarstva i na koju dajemo slijedeće izjašnjenje:

Multisektorski pristup u zaštiti od nasilja u porodici u Kantonu Sarajevo provodi Koordinaciono tijelo za prevenciju, zaštitu i borbu protiv nasilja u porodici u Kantonu Sarajevo još od 2005. godine, kada je i potpisan prvi Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo.

U decembru 2023. godine, Vlada Kantona Sarajevo je donijela novi Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo čime je sistem zaštite značajno unaprijeđen, a posebno u dijelu koji se odnosi na formiranje Operativnog tijela u okviru Koordinacionog tijela i kojeg čine predstavnici institucija, odnosno profesionalci koji




su u direktnom radu sa žrtvom ili počiniocem nasilja u porodici. Uloga Operativnog tijela je da kroz razmjenu iskustava profesionalaca koja se bave zaštitom od nasilja u porodici ukažu na određene probleme u praksi i ponude rješenja tih problema, te da na taj način putem Koordinacionog tijela direktno utiču na unapređenje sistema zaštite od nasilja u porodici u Kantonu Sarajevo.

Napominjemo da Vlada Kantona Sarajevo imenuje članove Koordinacionog i Operativnog tijela, te na početku svake godine usvaja Program rada Koordinacionog tijela za prevenciju, zaštitu i borbu protiv nasilja u porodici u Kantonu Sarajevo, koji između ostalog predviđa slijedeće aktivnosti: radionice, medijske kampanje, okrugle stolove, izrade analiza o radu istog, edukacije stručnjaka koji rade na unapređenju i zaštiti od nasilja u porodici i sl.

Nadalje, u okviru Ministarstva za rad, socijalnu politiku, raseljena lica i izbjeglice Kantona Sarajevo provode se posebne aktivnosti sa ciljem zaštite žrtava od nasilja u porodici i poboljšanja sveukupnog stanja, a kroz donošenje Socijalnog programa kao skupa mjera i aktivnosti koje su usmjerene na preveniranje i otklanjanje stanja socijalne nesigurnosti pojedinih kategorija stanovništva. U okviru ovog programa, realizuje se aktivnosti koje su dalje usmjerene na ekonomsko, psihološki i socijalno osnaživanje žrtve nasilja, te na taj način sprječava njen povratak nasilniku. Značajno je istaći da Ministarstvo finansira Sigurnu kuću za žrtve nasilja u Kantonu Sarajevo u stopostotnom iznosu i osigurava njeno nesmetano funkcionisanje i rad.

Imajući u vidu dostavljenu inicijativu, jasno je da je ista u nadležnosti Ministarstva unutrašnjih poslova Kantona Sarajevo i nije u nadležnosti ovog Ministarstva. Međutim, uvažavajući sve prethodno navedeno ističemo da Ministarstvo za rad, socijalnu politiku, raseljena lica i izbjeglice Kantona Sarajevo podržava i spremno je da učestvuje u realizaciji iste u okviru svoje nadležnosti, a u cilju prevencije, zaštite i borbe protiv nasilja u porodici u Kantonu Sarajevo.

Pripremila: Iman Čehić, stručna saradnica
Kontrolisali: Smaragda Lučkin, šefica Odjela
Miralem Dedović, pomoćnik ministara



**PO OVLAŠTENJU MINISTRICE
SEKRETARKA MINISTARSTVA**

Amira [redacted]

Dostaviti:
-Naslovu (2x),
-A/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/2